



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Ab Alexandro VII. Ad Clementem X.

**Luxemburgi, MDCCXLII.**

LXVII. Confirmat Decretum, quo numerus Vocalium Capituli Generalis  
Congregationis Italiæ Fratrum Discalceatorum Ord. Eremitarum S.  
Augustini reducitur ad tres pro qualibet Provincia.

---

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

Super contractibus quando requireretur consensus.

Numerus laicorum remittitur generali.

Decretum irritans.

Dat. P. An. 5. die 2. Apr.

LXVII.

Edita An. D. 1659.

Exordium.

Supplicatio.

Litterarum formam, ac tenorem sub jam dictis poenis attentare, seu innovare audeant, aut præsumant.

§. 3. Super contractibus verò censuum tam activorum, quam passivorum, impositionum, & fundationum, bonorum acquisitionum, permutationum, venditionum, hypothecationum, & aliarum quocumque titulo, & nomine alienationum, quando agitur de stabilibus, & censibus, si summam viginti quinque ducatorum aureorum in sorte, de mobilibus autem, & redditibus decem similibus excedant, tunc totius Communitatis, seu Capituli Conventuum de quorum re agitur consensus, & consensus requiri, & adhiberi pariter decernimus.

§. 4. Quo autem ad numerum Fratrum Laicorum, & Servientium prædictorum ad dilectum filium, Ministrum Generalem pro suo arbitrio, & prudentia provident remittimus, eidemque præmissorum omnium, & singulorum executionem committimus, & demandamus; Injungimusque ut sub memoratis, ac aliis Ecclesiasticis poenis, & censuris juxta prædicta observari faciat, & præcipiat. Contradictores, & Rebelles quoscumque prædictis, ac aliis juris mediis opportunis compescendo.

§. 5. Decernentes etiam easdem præsentem Litteras semper firmas, validas, & efficaces existere, & fore, suosque plenarios, & integros effectus sortiri, & obtinere, & ab illis ad quos spectat, & pro tempore spectabit inviolabiliter observari. Sicque in præmissis per quoscumque Judices ordinarios, & Delegatos, etiam Causarum Palatii Apostolici Auditores judicari, & definiti debere, ac irritum, & inane si secus super his à quoquam quavis auctoritate scianter, vel ignoranter contigerit attentari.

§. 6. Non obstantibus in contrarium allatis, nec non appellationibus, protestationibus, cæterisque oppositionibus, ac omnibus, & singulis illis, quæ in Litteris Nostriis supradictis concessimus non obstat, cæterisque contrariis quibuscumque.

Datum Romæ apud S. Mariam Majorem sub annulo Piscatoris, die 2. Aprilis 1659. Pontificatus nostri anno Quinto.

Confirmat Decretum, quo numerus Vocalium Capituli Generalis Congregationis Italiæ Fratrum Discalceatorum Ord. Eremitarum S. Augustini reducitur ad tres pro qualibet Provincia.

*De his Fratribus vide ad Const. 97. Urbani VIII. Alias pro parte circa electionem Priorum Provincialium, ac de modo regendi Provincias.*

ALEXANDER PAPA VII.

*Ad futuram rei memoriam.*

**M**ilitantis Ecclesiæ regimini per abundantiam Divinæ bonitatis, nullo licet meritum Nostrorum suffragio, præpositi, illa quæ pro fœlici Christianidelium sub suavi ætioris Religionis jugo, Altissimi obsequiis mancipatorum directione providè statuta esse dignoscuntur, libenter, cum à Nobis petitur Apostolici muniminis patrocinio roboramus.

§. 1. Exponi siquidem Nobis nuper fecerunt dilecti filii Vicarius Generalis, & Diffinitorium Congregationis Italiæ Fratrum Discalceatorum nuncupatorum Ordinis Eremitarum Sancti Augustini, quod ultimum ejusdem Congregationis Capitulum Generale sub directione dilecti filii nostri Jo. Baptistæ tituli S. Mariæ Transtiberim S. R. E. Presbyteri Cardinalis Pallotti nuncupati, dicti Or-

dinis apud Nos, & Sedem Apostolicam Protectoris, summa cum tranquillitate, & pace celebratum fuit, juxta modum, & formam cujusdam Decreti in proximè præcedenti Capitulo Generali Congregationis prædictæ editi, & per Venerabiles fratres Nostros ejusdem S. R. E. Cardinales negotiis, & consultationibus Episcoporum, & Regularium præpositos die 10. Januarii proximè præteriti (ut dicti Exponentes asserunt) confirmati, quo numerus Vocalium Capituli Generalis Congregationis hujusmodi præscribitur, & ad tres pro qualibet Provincia reducitur, & aliàs prout continetur in scriptura tenoris, qui sequitur, videlicet.

§. 2. Die 13. Maji 1659. sessione 7. Invocato Divini Spiritus auxilio, congregatis Eminentiſſ. & Reverentiſſ. D. Cardinali Pallotto Protectore, & Præside, ac Patribus Diffinitorii generalis Congregationis Patrum Discalceatorum Sancti Augustini Italiæ propositum fuit, an confirmandum sit Decretum in præterito Capitulo Generali sessione 10. die 18. Maji 1656. editum, & à sacra Congregatione super negotiis, & consultationibus Episcoporum, & Regularium præposita confirmatum, super reductione Vocalium Capituli Generalis sub infraſcripto tenore, videlicet.

§. 3. Ad tollenda inconvenientia, & incommoda, quæ ex celebratione Capituli generalis more solito contingunt ex multitudine vocalium ad prædictum Capitulum generale concurrens, & expensarum ultra limites nostræ paupertatis, & ex periculis itinerum cum evidenti detrimento nostræ regularis observantiæ, cum experientia compertum sit summo opere expedire, Capitulum Generale celebrari juxta formam præscriptam in Decreto alias factò in præterito triennio, & à sacra Congregatione prædicta confirmato, paucis mutatis, ut infra sub reservatione beneplaciti Sanctissimi Domini Nostri, & cum supplicatione Sanctitatis Sæ pro confirmatione in perpetuum per Litteras in forma Brevis, decretum fuit, quod deinceps in perpetuum accedant suffragaturi ad Capitulum generale præter Admodum R. P. Vicarium Generalem, quatuor Diffinitores Generales, duos Visitatores Generales, Procuratorem Generalem, & Secretarium Generalem, ex qualibet Provincia Priores Provinciales in Capitulo Generali, sive extra illud ad formam Litterarum Apostolicarum electi, quod si aliquem ex dictis Provincialibus ante elapsum triennium, & ante Capitulum generale decedere contigerit, & per tempus non licuerit novam fieri electionem, ut supra, tunc jus ferendi suffragium in Capitulo Generali in locum demortui devolvatur ad proximè antecessorem in Officio Provincialatus, dummodo illi non competat hujusmodi jus ferendi suffragium in eodem Capitulo ex alio titulo, quo casu ad antecessores in dicto Officio eodem modo devolvatur; Et si detur casus, quod nullus ex Provincialibus antecessoribus existat, aut ferre votum ex alio titulo possit, tali casu jus ferendi votum devolvatur in Provincia Romana ad Priorem Conventus JESU MARIE de Urbe, & eo deficiente, aut legitime impedito ad Priorem Conventus Sancti Nicolai ejusdem Urbis. In Provincia Neapolitana ad Priorem Sanctæ Mariæ Veritatis, vel eo deficiente, aut legitime impedito ad Priorem Conventus Sancti Nicolai Tolentini ejusdem Civitatis. In Provincia Januensi ad Priorem Conventus Sancti Nicolai Tolentini Januæ, & eo deficiente, vel legitime impedito ad Priorem Conventus Sancti Damiani Mediolani. In Provincia Siciliæ Panormitana ad Priorem Conventus Sancti Nicolai Tolentini Panormi, vel eo deficiente, seu legitime impedito ad Priorem Conventus Sancti Gregorii ejusdem Civitatis. In Provincia Germaniæ ad Priorem Conventus Sancti Augustini Viennæ, & eo deficiente, vel legitime

Decretum Capituli Generalis.

impe-

impedito ad Priorem Conventus Sancti Wincelai Pragæ. In Provincia Regni Neapolitani ad Priorem Conventus Sanctæ Mariæ Pietatis Montis Leonis, & deficiente, vel legitime impedito ad Priorem Conventus Sanctæ Mariæ Incoronatæ Neritonen. In Provincia Pedemontana ad Priorem Conventus Sancti Caroli Taurini, & eo deficiente, seu legitime impedito ad Priorem Conventus SS. Nicolai, & Annæ Salutarium. In Provincia Sicilia Messanenæ ad Priorem Conventus Sanctæ Restitutæ, & eo deficiente, seu legitime impedito ad Priorem Conventus Sanctissimæ Annuntiatæ ejusdem Civitatis, & sic deinceps.

§. 4. Præterea loco Priorum, & Discretorum cujuslibet Conventus accedant suffragari ad Capitulum generale, & ad idem latari instantias ad statum Provinciarum, & singulorum Conventuum, duo ex qualibet Provincia, qui sint Sacerdotes, & sine scandalo, & cum ædificatione in Congregatione se gesserint, & saltem duodecim annos completos à professione habeant in Congregatione, & triginta annos pariter completos habeant atatis, & unus ex istis insuper Philosophiam, vel Theologiam, si fieri poterit per duodecim annos, vel ad minus per novem formiter legerit, & docuerit, vel per duodecim, vel saltem novem cursus quadragesimales, aut integros annuales laudabiliter concionatus fuerit, excepto tamen hoc primo triennio, pro quo Vocales, sive Lectores, sive Concionatores eligi, & admitti possint, etiam si per sex tantum annos muneribus prædictis functi sint, quibus requisitis, ut supra respectivè deficientibus, electiones nullæ sint eo ipso, ac sine illis electi ad suffragandum in Capitulo generali non admittantur.

§. 5. Prædicti autem duo in qualibet Provincia eligantur in Congregatione cogenda per Priorem Provinciale cujuslibet Provinciæ, Dominicam primam mensis Maij proximè præcedentis Capitulum generale, vel si urgens aliqua necessitas coegerit, primo quoque tempore post diædam Dominicam primam mensis Maij, in quibus Congregationibus præsideant Provinciales, non tamen in illis votum ferant, & Provincialibus quovis modo deficientibus, præsideant Priores Conventuum, in quibus Congregationes fiunt, & officio scrutatorum fungantur, qui prærit, & duo Præsidenti proximiores, eligentur, & alii duo cum eisdem qualitatibus, & requisitis respectivè substituendi unicuique ex proximè electis in casu mortis, seu alterius cujusvis legitimi impedimenti.

§. 6. In prædictis autem Congregationibus vocem habebunt Priores cujuslibet Conventus, & Vicarii Conventuum Vicariatus, Secretarii RR. Patrum Provincialium, necnon Discreti, qui eligentur, prout hæcenus factum est. Et cætera faciant ad formam Constitutionum, Congregationes autem habebuntur pro Provincia Romana in Conventu Sanctissimi Crucifixi Spoleti, pro Provincia Neapolitana in Conventu Sanctæ Mariæ Veritatis Neapolis, pro Provincia Januensi in proximo triennio in Conventu Sanctæ Franciscæ Romanæ Mediolani, in subsequenti verò in Conventu Sancti Nicolai Tolentini Januæ, & sic deinceps alternativè. Pro Provincia Sicilia Panormitanæ in Conventu Sancti Nicolai Tolentini Panormi. In Provincia Germaniæ in proximo triennio in Conventu Sancti Augustini Viennæ, in subsequenti verò in Conventu S. Wincelai Pragæ, & sic de singulis alternativè; pro Provincia Regni Neapolitani in proximo triennio in Conventu Sanctæ Mariæ Incoronatæ Neritonen. in subsequenti verò in Conventu Sanctæ Mariæ Pietatis Montis Leonis, & sic deinceps alternativè, pro Provincia Pedemontana in Conventu Sancti Caroli Taurini, in Provincia Sicilia Messanenæ, in Conventu S. Restitutæ Messanæ; utque electiones pro qualibet Provincia de dignioribus,

& magis acceptis personis in qualibet Provincia in Definitorio generali, fiant; provisum, & decretum pariter fuit, ut in electionibus prædictis intersint, & admittantur ad ferendum votum Provinciales, & duo Vocales uniuscujusque Provinciæ, una cum PP. Definitoriis in electionibus singularum Provinciarum, ita ut possint esse omnes numero duodecim Electores, & fuit resolutum affirmativè per vota secreta omnibus concurrentem. Die 25. Maji 1659. In Capitulo generali Præsidente Eminentissimo D. Cardinali Pallotto ad majorem quietem, & pacem totius Congregationis, &c. Perlecto per Secretarium Capituli generalis alta voce supra scripto Decreto, & facta propositione, an placeat servari, & confirmari dictum Decretum tenoris, prout supra, per vota secreta fuit resolutum affirmativè per viginti octo suffragia, duobus tantum pro negativa.

§. 7. Cum autem sicut eadem expositio subjungebat, prædicti Exponentes Decretum hujusmodi pro firmiori illius subsistentia, & observatione, Apostolica confirmationis Nostræ præsidio communiri summopere desiderent; Nos specialem ipsis Exponentibus gratiam facere volentes, & eorum singulares personas à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis, à jure, vel ab homine quavis occasione, vel causa latis, si quibus quomodolibet innodata existunt, ad effectum præsentium dumtaxat consequendum, harum serie absolventes, & absolutos fore censentes, supplicationibus eorum nomine Nobis super hoc humiliter porrectis inclinatis, præsertim Capituli generalis dictæ Congregationis Decretum auctoritate Apostolica tenore præsentium confirmamus, & approbamus, illique inviolabilis Apostolicæ firmitatis robur adjicimus, ac omnes, & singulos juris, & facti defectus, si qui desuper quomodolibet intervernerint supplemus.

§. 8. Decernentes easdem præsentis Litteras semper firmas, validas, & efficaces existere, & fore, ac ab illis ad quos spectat, & pro tempore spectabit inviolabiliter observari; sicque in præmissis per quoscumque Judices ordinarios, & Delegatos, etiam causarum Palatii Apostolici Auditores, judicari, & definiri debere, ac irritum, & inane si secus super his à quoquam quavis auctoritate scienter, vel ignoranter contigerit attentari.

§. 9. Non obstantibus præmissis, ac Constitutionibus, & Ordinationibus Apostolicis, nec non quatenus opus sit Congregationis prædictæ, ejusque Provinciarum, & aliis quibusvis etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & Litteris Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores pro plenè, & sufficienter expressis, & insertis habentes illis aliàs in suo robore permanens, ad præmissorum effectum hac vice dumtaxat specialiter, & expressè derogamus, cæterisque contrariis quibuscumque.

§. 10. Volumus autem, ut earumdem præsentium transumptis manu alicujus Notarii subscriptis, & sigillo personæ in Ecclesiastica dignitate constitutæ munitis, eadem prorsus fides adhibeatur, ac si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris die 16. Junii 1659. Pontificatus Nostri Anno Quinto.

Confirmas  
Decretum  
prout in tubæ

Decretum  
irritans.

Transumptis  
ptorum fides.

Dat. P. An. 5.  
die 16. Junii.